



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1460. usque ad annum 1478

**Fleury, Claude**

**August. Vind. [u.a.], 1768**

**VD18 90118332**

§. 91. Contentio de prærogativa loca inter S. R. I. Electores, ac Burgundiæ  
Ducis Legatos

---

[urn:nbn:de:hbz:466:1-66459](https://nbn-resolving.org/urn:nbn:de:hbz:466:1-66459)

Sæcul. XV.  
A. C. 1471.

§. XCI.

*Contentio de prærogativa loci inter  
S. R. I. Electores, & Burgundiæ  
Ducis Legatos.*

Auditis hisce in conventu Ratisbonensi orationibus Principes in alium locum secedebant, atque inter se aliquamdiu secreto colloquentes, demum gratias Imperatori rependebant, quod Germanicæ libertatis, & publicæ salutis curam in se suscepisset, simulque declarabant omnes, quod juxta ejus mandatum & vitam & bona pro bello adversus Turcas exponere parati essent, eumque, si ipse ad hanc expeditionem procederet, comitari velent. Altera die rursus conventus habetur, in quo per tres omnino horas actum est de dirimenda lite, quæ inter S. R. I. Electores, & Burgundiæ Ducis Legatos circa sedendi prærogativam exorta fuit. Illi primum sibi locum deberi contendebant, eo quod prima Sacri Romani Imperii membra essent, ac propterea nequidem Regibus primas partes concederent. Ex adverso Burgundiæ Oratores Principis sui potentiam in Galliis, & in Germania maximam obtendebant. Hæc contentio, ut utrinque tolleretur, Burgundiæ Ducis Oratores e regione sedis, quæ pro Cæsare erecta erat, medii inter

ter Oratores Regios collocabantur. His Sæcul. XV.  
A.C. 1471.  
ita compositis Burgundiæ Ducis Legati  
primi surgebant, ac eorum unus orationem habuit, quæ tamen temporis, ac loci parum congrua erat; quippe profusus in criminando Gallorum Rege, satis autem parcus in proposito belli Turcici argumento fuit.

## §. XCII.

*Veneti Legati Oratio.*

Alteram orationem, eamque brevem ac conciso stylo conceptam Paulus Morosinus Venetorum Legatus dixit, exposuitque, quod Veneti jam per ducentos omnino annos arma Turcis inferrent, eorumque vires ac impetus non modo in Thracia, sed & in Illyrico soli sustinuisent, tam felici successu, ut hostium suorum potentia ac victoriæ nonnisi per Christianorum Principum socordiam crevissent; nihilominus, subjunxit Legatus, nondum desperatum est de Turcarum everfione, dummodo Germani rem strenue agredi velint; agitur enim de vita, suorumque libertate, ac totius populi salute. Habemus nos Veneti in promptu ingentem classem, necnon in Græcia & Illyrico valida admodum præsidia; Ferdinandus quoque Neapolis Rex classem suam nobis præsto futuram promisit; unde

de